

# Ideje za přichod

## Iniciatiwa Serbski sejm na kulojte blido ke kubłanju přeprasyła

**Budyšin** (SN/CoR). Intensiwnu wěcnu diskusiju z někotrymi nowymi idejami dožiwi wčera wječor něhdže 20 zajimcow za kulojnym blidom k přichodej serbskeho kubłanja, na což bě iniciatiwa Serbski sejm po januarskim kubłanskim wjeršku do Budyskeho Serbskeho domu přeprasyła. Mjez přítomnymi běchu mjez druhim społnomócnjena za serbske naležnosće Budyskeho wokrjesa Regina Krawcowa, předsydka Serbskeho šulskeho towarstwa Ludmila Budarjowa, direktor Serbskeho gymnazija Budyšin René Wjaclawk a regionalna rěčnica Domowiny Sonja Hrjehorjowa. Direktor Lipsčanskeho Instituta za sorabistiku prof. dr. Edward Warnar wobdžěli so telefonisce na dwuapohodžinskim zarjadowanju. Za moderatora zdobyli běchu prof. Matthiasa Theodora Vogta ze Zhorjelca, awtora wjacorych studijow wo serbskich institucijach. Přeni impuls poda wčera Měr-

ćin Krawc z němskorěčnym zhromadženstwom w Belgiskej jako příklad kulturneje awtonomije regiona. Dr. Andreas Kluge z Drježdžan předstaji fakty wokoło njedostatka serbskich wučerjow a kubłanjow z rezimejom: „Džělakmanosć serbskich kubłanskich institucijow njeje hižo zaručena.“ Nimo toho je Sakska po jeho měnjenju ze zawrjenjom wjacorych šulow ze serbskorěčnym poskitkom „prośće swoju wustawu raniła“. Šěsć žadanjow z toho slěduje. Tak su trěbne cyłotowaršnostny pakt k zachowanju serbskeje rěče, serbska rěčna šula, na kotrejž móža nimo wučerjow tež dalši zajimcy serbsćinu wuknyć, krótkodobny program za wukmanjenje wučerjow, kubłanski fonds za transport šulerjow a za studentske stipendije w susodnych słowjanskich krajach, wysoka šula w serbskim regionje a kubłanska awtonomija.

Prof. Warnar wumjetowaše politika-

rjam, zo so woni realneje ličby serbsćinu rěčacych boja. Zo jenož hišće 4 000 ludźi serbuje, kaž wón twjerdzi, na tym Benedikt Dyrlich, skedźbnjacy na mnohich Serbow zwonka Łužicy, dwělowaše. Zo pak sej runje woteběraca ličba rěč naložowacych čím wjace spěchowanja žada, wo tym běchu sej wčera wšitcy přezjedni.

Někotre ideje, kak hodži so atraktiwita serbsćiny zwyżić, přednjese prof. Vogt. Tak móhli wučerjo wosebitu přiražku a šule wusahowacu kwalitu dóstać. Na příklad móhla kóžda serbska šula Sakske wukubłanski a wupruwowanski sćelak SAEK měć. Po měnjenju Ludmille Budarjoweje „njeznjesliwe wotstronjenje“ Sakskeje kubłanskeje agentury Budyšin móhli po Vogće narunać ze serbskeje kubłanskeje agenturu, kotraž so tež wo němske naležnosće w regionje stara. Wón poruči kandidatow za zwjazkowe wólby ze žadanjami konfrontować.